



28. januar 2019

Inatsisartut suleriaasianni §37 naapertorlugu apeqqutit imaattut Naalakkersuisunut ingerlatippakka

### **Naalakkersuisunut apeqqut:**

- 1. Politeeqarnikkut imaatigut kiffartuussineq umiarsuaaqqat atorlugit ingerlanneqartoq qanoq siunissami aqqissuunneqassava?**
- 2. Naalakkersuisut ilisimavaat politiit imaatigut angallataannit ingerlataqarneq ingerlatsinikkut aningaasartuutikillisaaffigineqalersoq?**
- 3. Nunaqarfinnut inoqarfinnullu tamanut politiit kiffartuussinerat annaasiniartarnerallu pitsaanerulissava?**
- 4. Politiit angallataanni sulisartut qassit sipaarniarfigineqassappat?**
- 5. Politiit angallataanni sulisartoqarneq allannguinerup kingorna qanoq sulisartoqassutsikkut sunniuteqassava?**
- 6. Naalakkersuisut danskit naalakkersuisuinik ataatsimeeqateqarsimappat politiit angallataasa allannguiffigineqarnissaat pillugu?**
- 7. Danskit naalagaaffiata nunatsinni politeeqarnikkut imaatigut angallateqartitsineq eqqarsaatigalugu aningaasartuutikillisaanissaq siunertaraat?**
- 8. Politiit imaatigut angallataasa allanik taarserneqarnissaa angallatigut ikilinerannik kinguneqassava?**
- 9. Politiit angallatissaattut atulæersinniarneqartut angallatit suuppat aamma qanoq ateqarpat?**
- 10. Ullutsinnut naleqqussaanissamik siunertaq qanoq imaqarpa?**
- 11. Imaatigut politiit angallateqarnerat umiarsuaaqqanik taarsiinerup kingorna pissutsit tamakkiisumik Naalakkersuisuniit nassuiaatigineqarsinnaappat?**

(Inatsisartunut ilaasortaq Aqqaluaq B. Egede, Inuit Ataqatigiit)

### **Tunngavilersuut**

Politiit angallataasa nutaanik taarserniarneqarnerat oqartoqarneratuut ullutsinnut naleqqussarniarneqarnerat siumut alloriarnermik malitseqartariaqartoq isumaqarpunga. Nunaqarfinni illoqarfinnilu inuit tikikkuminaannerusuni najugaqartut qanoq kiffartuunneqarnerat pitsaanerulissanersoq paaserusunnarpoq. Ullutsinnut naleqqussaanermik oqaannarneq naammangilaq nassuiaasoqartariaqarpoq. Tamanna Naalakkersuisut qanoq qulaajaasimatiginerannik paasisaqarusullunga ujartuiffigaara.

Kissaatigaara apeqqutit ullut qulit qaangiutsinnagit akineqarnissaat.